



Groupe parlementaire

N°6715  
Entrée le 26.08.2022  
Déclarée recevable  
Président de la Chambre des Députés  
(s.) Fernand Etgen  
Luxembourg, le 26.08.2022

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 26. August 2022

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här  
Ekonomieminister, d'Madamm Ëmweltminister an den Här Verkéiersminister weiderzeleeden.

Sou wéi déi däitsch Zeitung Handelsblatt schreift, gëtt déi demokratesch Republik Kongo  
aktuell ëmmer méi staark mat Ëmweltproblemer, zum Beispill Schneisen am Urbësch  
konfrontéiert, dëst besonnesch wéinst dem ekologeschen Impakt vum Biergbau zu sielenen  
Äerden, déi hei am Land besonnesch fir digital Elektronik an Elektroautoe gebraucht ginn.

An deem Zesammenhang géif ech der Regierung gär dës Fro stellen:

- 1) Sinn der Regierung déi beschriwwen Ëmweltproblemer bekannt? Falls jo, wéi ginn  
se an där aktueller Promotiounspolitik fir den Elektroauto berécksiichtegt?

Mat déiwem Respekt,



Fred Keup  
Deputéierten



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Environnement, du Climat  
et du Développement durable

**Gemeinsam Äntwert vun der Ministesch fir Ëmwelt, Klima a nohalteg Entwécklung, dem Minister fir Mobilitéit an ëffentlech Aarbechten an dem Wirtschaftsminister op d'parlamentaresch Fro n°6715 vum 26. August 2022 vum éierewäerten Députéierten Här Fred Keup iwwert "Problèmes de l'environnement au Congo"**

D'Thematik déi vum éierewäerten Deputéierten ugeschwat gëtt, ass well an e puer parlamentaresche Froe behandelt ginn, sou notamment an den Äntwerten op d'Froen n°243 an n°1533 vun der lafender Legislaturperiod.

D'lëtzebuurger Regierung setzt sech international a notamment um Niveau vun der europäescher Unioun weiderhi fir eng kontrolléiert Wäerteketten an. Aktuell lafen och d'Verhandlungen iwwert "Proposition de Directive sur la gouvernance durable des entreprises et devoir de vigilance", fir op europäeschem Niveau gemeinsam déi selwecht Standarden ze erreechen.

Lëtzebuerg, den 10. Oktober 2022  
(s.) Joëlle Welfring  
Ministesch fir Ëmwelt, Klima an nohalteg Entwécklung